

Odgovor dala:	Služba za investicije i komunalne poslove

3.	Ime i prezime vijećnika:	<b>HUSEIN HOLJAN</b>
	Tekst pitanja/inicijative	<b>Inicijativa za hitnu intervenciju na sprječavanje klizišta lokalitet Curine njive – Bostarići.</b>
	Obrazloženje pitanja/inicijative:	Shodno molbi mještana ulice Bostarići i Boguševac podnosim inicijativu za hitnu intervenciju prema svim nadležnim institucijama na sprječavanju nastanka klizišta na terenu u ulici Bostarići (lokalitet Curine njive). Radi se o terenu gdje su se svakodnevno izvodili radovi nasipanja šute i zemlje od strane lica koja grade hotel i parking preko puta pomenute lokacije, gdje su se oborinske vode sa Trebevića skrenule na lokaciju Curine njive - Bostarići. Želim napomenuti da sam na sjednici održanoj dana 28.10.2021. godine upozoravao na navedeni problem, nakon čega su ekipe eko policije RS-a izlazile na teren ali se problem nije riješio. Obilaskom navedenog lokaliteta 29.05.2022. godine uočio sam da je uslijed povećanog oticanja vode došlo do znatnog pomjeranja, pucanja tla te do padanja drveća koje se nalazi na ovoj lokaciji. Shodno gore navedenom molim Vas da što hitnije intervenišete prema svim nadležnim institucijama kako ne bi došlo do još većih pomjeranja i pokretanja klizišta. Prilog: Fotografije
	Odgovor:	Vezano za Vašu inicijativu obavještavamo Vas da je Općinski načelnik mr. Ibrahim Hadžibajrić uputio zahtjev Republičkoj upravi za inspeksijske poslove RS-a za vršenje hitnog inspeksijskog nadzora nad izvođenjem radova na lokalitetu koji je predmet inicijative. Zatraženo je da se hitno i bez odlaganja obustavi dalje izvođenje radova dok se ne osigura ugrožena padina i ne osigura kontrolisana odvodnja vode sa predmetnog lokaliteta.  Pored navedenog, zahtjev je upućen i Opštini Istočni Stari Grad od kojih je Općinski načelnik također zatražio hitno obustavljanje radova i poduzimanje odgovarajućih mjera kojima će se spriječiti dalje ugrožavanje naselja Bostarići i Boguševac.
Odgovor dala:	Služba za investicije i komunalne poslove	

4.	Ime i prezime vijećnika:	<b>HUSEIN HOLJAN</b>
	Tekst pitanja/inicijative	<b>Inicijativa za rješavanje problema saobraćaja u mirovanju u ulicama:</b> <ol style="list-style-type: none"> <li>1. Zelenih beretki do br. 15 ulaz u Zlatarsku ulicu</li> <li>2. Oprkanj</li> <li>3. Sime Milutinovića</li> </ol>
		Suočeni sa sve većim problemom nesavjesnih vozača koji

<p>Obrazloženje pitanja/inicijative:</p>	<p>nepropisno parkiraju motorna vozila u užem jezgru Općine u ulicama Zelenih beretki ulaz u Zlatarsku ulicu, Oprkanj, Sime Milutinovića podnosim inicijativu da se iznađe rješenje za navedene lokacije ugradnjom stubića, žardinjera ili neki drugi način, koji bi spriječio parkiranje na ovim lokacijama. Prilog: Fotografije</p>
<p>Odgovor:</p>	<p>U vezi sa predmetnom inicijativom, ovim putem Vas obavještavamo o sljedećem:</p> <p>U ulici Zelenih beretki u neposrednoj blizini spoja sa ulicom Kundurdžiluk, nalazi se saobraćajni znak zabrane zaustavljanja i parkiranja sa dopunskom tablom osim vozila za opskrbu. U skladu sa postavljenom saobraćajnom signalizacijom, dio kolovoza u ulici Zelenih beretki od saobraćajnog znaka do spoja sa ulicom Gazi Husrev-begova predviđen je za parkiranje/zaustavljanje dostavnih vozila.</p> <p>U ulici Sime Milutinovića na spoju sa ulicom Obala Kulina bana nalazi se znak zabrane saobraćaja. Također, u prethodnom periodu Općina Stari Grad Sarajevo je putem Odjeljenja za održavanje Aleje ambasadora, cestovnih pojava i javnih površina izvršila postavljanje dvije žardinjere na ulazu u ulicu kako bi se spriječilo parkiranje u istoj, pri čemu je ostavljen prostor za zaustavljanje dostavnih vozila.</p> <p>U ulici Oprkanj na spoju sa ulicom Kračule nalazi se saobraćajni znak zabrane saobraćaja u jednom smjeru. U skladu sa postavljenom saobraćajnom signalizacijom, u ulici Oprkanj se odvija saobraćaj iz pravca ulice Telali.</p> <p>Ujedno, napominjemo da se ova Služba kontinuirano obraća Prvoj policijskoj upravi Stari Grad sa zahtjevom za rješavanje problema nepropisnog parkiranja u užoj gradskoj jezgri, obzirom da je isto u njihovoj nadležnosti shodno pozitivnim propisima koji regulišu predmetnu oblast.</p>
<p>Odgovor dala:</p>	<p>Služba za investicije i komunalne poslove</p>